



Raport Mujor Prill 2026

Informacion bazë

Emri i Fondit	Raiffeisen MIKS
Administrimi i Fondit	Raiffeisen Invest sh.a
Monedha	Euro
Datë Lancimi	16 Nëntor 2020
Vlera fillestare e kuotës	100
Shuma minimale e investimit	500 Euro
Vlera neto e Aseteve	EUR 4,331,659
Cmimi i kuotës	113.4470
Banka depozitare	Banka e Pare e Investimit, Albania
Banka nëndepozitare	Raiffeisen Bank International, Austria
Numri i Investitorëve	123
Kthimi vjetor nga investimi në 30 Prill 2026	+9.16%

Komisione dhe Tarifa

Tarifë në hyrje	0.00%
Tarifë në dalje	0.00%
Tarifë administrimi vjetore	Deri në 1.30%
Tarifa te tjera te vazhdueshme	Kalkulohen ne fund te vitit kalendarik dhe perfshijne tarifën e paguar ndaj bankes depozitare, auditorit të jashtëm, autoritetit rregullator apo kostot për komunikimin e ndryshimeve në prospekt.
Komisione/tarifa të vazhdueshme	1.52% per vitin 2025 ne 31.12.2025
Komisione të transfertës nga shlyerja e kuotave	Referojuni informacionit ne degjet e RBAL
Kosto të transaksioneve	Sipas kushteve të punës të palëve ndërmjetësuese

Objektivi dhe Politika e investimit

Objektivi i investimit të Fondit është krijimi i të ardhurave të rregullta dhe një rritje e moderuar e kapitalit në një periudhë afatmesme. Asetet e fondit investohen në instrumente financiare që i përkasin tre kategorive kryesore të asetëve: Tituj borxhi, Aksione, Tregu i parasë dhe ekuivalentë cash-i. Në mënyrë që të arrihet qëllimi i investimit, fondi investon deri në 75% të totalit të asetëve në Tituj borxhi, të cilat emetohen nga Qeveria e Republikës së Shqipërisë, një vend i BE-së apo çdo shtet tjetër i miratuar nga rregullatori vendas, nga institucionet ndërkombëtare

dhe / ose shoqëri tregtare. Për më tepër, për të maksimizuar kthimin total nga investimi, fondi mund të investojë deri në 40% të asetëve në aksione, kryesisht të tregtuar në tregjet e zhvilluara në SH.B.A. dhe Europë. Nëse do të përdoren instrumente financiare derivative, qëllimi do të jetë butja e risqeve dhe arritja e objektivave të politikës së investimit, por faktorë të tillë si likuiditeti i instrumentit tek i cili mbështetet derivativi dhe luhatshmëria e vlerës së tij mund të ndikojnë në performancën e fondit.


Profili i Riskut dhe Përfitimit

Risk i ulët

Përfitimet tipike më të ulëta

Risk i lartë

Përfitimet tipike më të larta




Profili i parashikuar i riskut të Fondit Raiffeisen Miks i përket kategorisë së katërt të treguesit të riskut sintetik dhe përfitimit.

Treguesi i riskut dhe përfitimit korrespondon me një numër të plotë i cili përdoret për të renditur fondin në një nivel risku nga 1 në 7, sipas nivelit të rritjes të luhatshmërisë. Kategoria më e ulët nuk do të thotë që investimi në fond është pa risk.

Ky tregues ka për qëllim t'ju informojë mbi luhatshmërinë e çmimit të kuotës së fondit bazuar në historikun e performancës së fondit. Të dhënat historike të përdorura për llogaritjen e treguesit nuk mund të përbëjnë një siguri të plotë për profilin e riskut në të ardhmen.

Struktura e Portofolit të Investimit




Portofoli i fondit Miks është i ndërtuar në një mënyrë të tillë që të përfitojë nga investimi dhe diversifikimi në të dy kategoritë e asetëve siç janë obligacionet dhe aksionet. Obligacionet janë të investuara 29.9% në tituj borxhi dhe fonde investimi me kthim të lartë (high-yield), ku 29.1% i përket titujve të Qeverisë Shqiptare, si dhe 31.7% në obligacione dhe fonde investimi me vlerësim të lartë (investment-grade). Pjesa e aksioneve (35.7%) është e investuar në tregje të zhvilluara: SHBA 19.5%; Zona Euro 8.8%, Britani e Madhe 1.8% dhe Japoni 4.4% e asetëve totale. Niveli i cash dhe i likuiditetit është ulur në 2.6% në fund të muajit prill.

Performanca e fondit


Fondi ka shënuar një ecuri pozitive mujore prej **3.57%** gjatë muajit prill, duke rikuperuar kështu pjesën më të madhe të humbjeve të marsit dhe duke shënuar performancë më të mirë mujore për këtë vit. Rritja e yield-eve e shkaktuar nga çmimet e larta të naftës dhe shqetësimet në rritje për inflacionin dhe qëndrueshmërinë fiskale ushtruan presion mbi obligacionet qeveritare, të cilat patën kthime të miksuar, ndërsa spread-et u ngushtuan. Aksionet globale regjistruan një rritje të fuqishme, të nxitura nga

ridrejtimi i investitorëve tek aksionet e lidhura me inteligjencën artificiale, ndërsa fillimi i kënaqshëm i sezonit të publikimit të rezultateve financiare ofroi mbështetje shtesë. Performanca e tregjeve financiare pati një ndikim pozitiv në portofolin e investimeve të fondit Raiffeisen Miks, i cili shënoi fitime gjatë muajit. Yield-i mesatar i portofolit të investimeve të fondit është 3.51% për një kohëzgjatje mesatare prej 3.32 vjet më 30 prill. **Kthimi neto vjetor i fondit është +9.16% më 30 prill 2026.**



Ne dt 30 prill 2026	1 Vit	2 Vite	3 Vite	5 Vite	Nga lancimi (16 Dhjetor 2020)
Return in % p.a. for the period	+9.16%	+6.07%	6.67%	2.35%	+2.38%

Kthimi Neto i fondit Raiffeisen Miks per çdo vit



Duhet patur parasysh se norma e kthimit ndryshon në varësi të kushteve të tregut dhe çmimi i kuotës mund të jetë i luhatshëm, pra nuk është statik apo gjithmonë në rritje, por edhe mund të bjerë si pasojë e ndryshimeve të kushteve në treg. Luhatshmëria është pjesë e natyrshme e fondeve të investimit dhe eliminimi total i saj është i pamundur.

Investitorët e fondit Raiffeisen Miks dhe të gjithë fondeve të administruara nga Raiffeisen Invest keshillohen të kenë një horizont sa më të gjatë investimi për të përfituar një kthim optimal nga investimi dhe në këtë mënyrë në periudha afatmesme apo afatgjate të kenë mundësi të rikuperojnë edhe efektet negative të krijuara afatshkurter.

Investitorët inkurajohen që të ruajnë investimin e tyre duke mos ndryshuar objektivin e qëndrimit në fond të nxitur nga situatat

jo te zakonshme te krijuara perkohesisht ne tregjet financiare, sepse ne kete menyre nuk do te riskojne te dalin nga fondi ne momentin e gabuar per investimin e tyre.

Zhvillimet dhe informacion mbi ecurinë e tregjeve financiare gjate muajit Prill

Inflacioni në Eurozonë rezultoi 3% në prill, një rritje e theksuar nga niveli 2.6% i marsit dhe nga ai 1.9% i një muaji më parë. Norma e lartë erdhi si pasojë e kostove të energjisë, të cilat u rritën me 10.9% krahasuar me 5.1% në mars. Megjithatë, inflacioni bazë, i cili përjashton çmimet më të paqëndrueshme të ushqimeve dhe energjisë, u ul në nivelin 2.2% në prill, nga 2.3% një muaj më parë.

Indeksi i çmimeve të konsumit në SHBA në mars u rrit me 0.9% në baza mujore, duke e çuar normën vjetore të inflacionit në 3.3%, i nxitur nga një rritje prej 10.9% e kostove të energjisë. Norma vjetore ishte më e larta që nga prilli 2024 dhe u rrit nga niveli 2.4% i shkurtit. Çmimet bazë u rritën shumë më pak, vetëm 0.2% në baza mujore dhe 2.6% krahasuar me një vit më parë, të dyja 0.1 pikë përqindjeje nën parashikime, duke treguar se inflacioni bazë mbetet i kontrolluar.

Vendimi i BQE-së për të lënë normën e depozitës të pandryshuar në 2.0% ishte plotësisht i pritshëm. Megjithatë, deklarata theksoi se risqet për rritje të inflacionit dhe ulje të rritjes ekonomike janë “intensifikuar”. Me normën e inflacionit në rajon që tashmë ka kaluar objektivin 2% të bankës qendrore, mundësitë për rritje të normave të interesit më vonë gjatë këtij viti duket se po shtohen.

Rezerva Federale mbajti normën bazë të interesit në intervalin 3.5%-3.75%, duke ruajtur një qasje lehtësuese të politikës monetare, çka përforcoi pritshmëritë se lëvizja e ardhshme ka më shumë gjasa të jetë një ulje sesa një rritje e normave. Në konferencën e tij të fundit për shtyp si kryetar, Jerome Powell deklaroi se do të vazhdojë të qëndrojë në Bordin e Guvernatorëve edhe pas përfundimit të mandatit të tij më 15 maj, duke përmendur sulmet e fundit ligjore ndaj bankës qendrore.

Tensionet mes SHBA-së dhe Iranit dominuan titujt kryesorë gjatë prillit, ndërsa situata në Ngushticën e Hormuzit mbeti e trazuar dhe nafta Brent u ngjiti në mbi 110 dollarë për fuçi deri në fund të muajit, pavarësisht përpjekjeve të herëpashershme për armëpushim dhe nismave diplomatike që vazhduan të dështonin.

Në tregjet e instrumenteve me të ardhura fikse, rritja e yield-eve e shkaktuar nga çmimet e larta të naftës dhe shqetësimet në rritje për inflacionin dhe qëndrueshmërinë fiskale ushtruan presion mbi obligacionet qeveritare, të cilat patën kthime të miksuara. Nga ana tjetër, rezultatet e mira të kompanive dhe rritja e kërkesës për risk ngushtuan spread-et e obligacioneve me cilësi të lartë, dhe si rrjedhojë obligacionet globale të korporatave shënuan fitime për këtë muaj.

Tregjet e aksioneve dhanë shenja të një optimizmi të rikthyer. Aksionet globale regjistruan një rritje të fuqishme, të nxitura nga ridrejtimi i investitorëve tek aksionet e lidhura me inteligjencën artificiale, ndërsa fillimi i kënaqshëm i sezonit të publikimit të rezultateve financiare ofroi mbështetje shtesë. Indekset S&P 500 dhe Nasdaq arritën nivele rekord historike, ndërsa MSCI Emerging Markets Index ishte indeksi me performancën më mbresëlënëse, i mbështetur nga fitime të jashtëzakonshme në Tajvan dhe Korenë e Jugut.

Të dhënat e kthimit nga investimi në të shkuarën janë vetëm ilustrative dhe nuk përfaqësojnë një premtim apo garanci për kthimin në të ardhmen. Të gjithë shembujt e tjerë numerikë janë përdorur për qëllime ilustrative dhe analize të të dhënave historike, dhe nuk duhen përdorur nga investitorët për të nxjerrë konkluzione për të ardhmen.

Investitorët e mundshëm duhet të lexojnë Prospektin dhe Rregullat e Fondit. Raiffeisen Invest dhe forca shitëse e fondit nuk garantojnë një kthim të caktuar të fondit.

Informacioni mbi çmimin e përditësuar të kuotës, prospektin dhe rregullat e Fondit gjendet pranë zyrave të Raiffeisen Invest sha., në web site www.raiffeisen-invest.al ose në degët e Raiffeisen Bank në Shqipëri.